

# 60 華嚴經 vs 探玄記 26 壽命品

釋宏源 2017/12/27 版

法藏四門釋.....	1
顯世識自在。.....	2

## 法藏四門釋

華嚴經探玄記 魏國西寺沙門法藏述 CBETA, T35, no. 1733		
<p><b>初釋名</b>者。 往業所引報果，名壽。任持色心不斷，名命。 品內辨此。故以為名。</p> <p><b>二來意</b>者 有二： 一、遠意。 為答普光十頂問故。以十重相望各為終極。得名頂。 故知，安樂界為娑婆頂等。</p> <p>古釋將答佛壽命問。此名字雖亦相當，文勢不順。 謂此壽命問在十地等前。不合答在此處十頂問在地後。 更無別答之文。故知屬此。</p> <p>二、近意。 前僧祇品，顯佛菩薩實德平等超過數量。 此品，別辨佛德。就機示有脩短。 後住處品，別辨菩薩法用。約機明住處差別。</p>	<p><b>三宗趣</b>者 有三義： 一、汎明命有三種： 一、報命。謂煖識不捨不退。眾同分故。 不相應行為性。 二、戒命。經中名淨命。由不破戒故不失比丘法。 以淨戒為性。 三、惠命。由不放逸故不退正法名為惠命。 正惠為性。 二、別定此文者。諸佛壽命亦有三義。 一、約德。謂具足如前三種命故。 其報命是無盡。善根所生故也。 二、就實。謂命根無盡盡於未來故。 三、就權。謂隨機所感現脩短故。</p> <p>今此文中具斯三義。</p>	<p>三、顯次第者，亦有三義： 一、約<b>漸教</b>。 謂娑婆等局為地前為化佛土故。 安樂等通為地上為報佛土故 乃至賢首剎當十地後不可說處也。 二、約<b>同教</b>。 謂娑婆等為三乘上。漸漸向細。 入於一乘乃至賢首剎等方為究竟。 何以故？以就別教娑婆則是蓮花藏故。 三、約<b>別教</b>。 娑婆是見聞解行處。 中間諸土，唯解行處。 末後佛土通解行滿及證入故。 是故，信滿位處亦名賢首故也。</p> <p><b>四釋文</b>中。</p>

顯世識自在。

大方廣佛華嚴經（60） 東晉天竺三藏佛跋陀羅譯 CBETA, T09, no. 278	華嚴經探玄記 魏國西寺沙門法藏述 CBETA, T35, no. 1733
<p>爾時，心王菩薩摩訶薩告諸菩薩言：</p> <p>佛子！</p> <ol style="list-style-type: none"><li>1. 如此娑婆世界釋迦牟尼佛剎一劫，於安樂世界阿彌陀佛剎為一日一夜；</li><li>2. 安樂世界一劫，於聖服幢世界金剛佛剎為一日一夜；</li><li>3. 聖服幢世界一劫，於不退轉音聲輪世界善樂光明清淨開敷佛剎為一日一夜；</li><li>4. 不退轉音聲輪世界一劫，於離垢世界法幢佛剎為一日一夜；</li><li>5. 離垢世界一劫，於善燈世界師子佛剎為一日一夜；</li><li>6. 善燈世界一劫，於善光明世界盧舍那藏佛剎為一日一夜；</li><li>7. 善光明世界一劫，於超出世界法光明清淨開敷蓮華佛剎為一日一夜；</li><li>8. 超出世界一劫，於莊嚴慧世界一切明光明佛剎為一日一夜；</li><li>9. 莊嚴慧世界一劫，於鏡光明世界覺月佛剎為一日一夜。</li></ol> <p>佛子！如是次第，乃至百萬阿僧祇世界，</p> <ol style="list-style-type: none"><li>10. 最後世界一劫，於勝蓮華世界賢首佛剎為一日一夜，</li></ol> <p>普賢菩薩等諸大菩薩充滿其中。</p>	<p>心王菩薩說者，顯世識自在故。有劫數也。</p> <p>於中有三：</p> <p>初、舉十世界校量漸次。</p> <p>次、類顯百萬。</p> <p>後、辨最後玄極。</p> <p>（晝夜）</p> <p>如安樂世界等。以何為晝夜？</p> <p>釋或以蓮花開合辨用。當娑婆一劫。</p> <p>（時間差）</p> <p>又釋此娑婆一劫中總有若干日夜。依此日夜數。</p> <p>數一劫為一日夜。還數王若干劫。方為安樂世界之一劫。</p> <p>則以此劫量。於後諸世界。皆准此量計可知。</p> <p>（結）</p> <p>是則至最後世界一劫。於最初世界。當不可說不可說劫也。</p> <p>至賢首剎已後。則剎海平等無有優劣。</p> <p>是故，此中說普賢等充滿者。以望下最極故。</p> <p>以普賢為量。望上猶在數中故不說。</p> <p>唯佛充滿此諸世界。大佛名經中亦說。</p> <p>又，玄奘法師別翻一卷名：顯無邊佛土經。是此品也。</p>

\_\_ end \_\_